

All in for Kids

Lub Khoos Kas CLTS Tsev Neeg Tsab Ntawv Xov Xwm

All in for Kids (Tag Nrho Rau Me Nyuam): Lub Khoos Kas CLTS yog ib tsab ntawv xov xwm uas pab kom koj thiab koj tsev neeg paub txog cov kev txhawb nqa thiab cov kev pab cuam muaj los ntawm Lub Khoos Kas CLTS. Tsab ntawv xov xwm yog sau tawm los ntawm Wisconsin Department of Health Services (Lub Tuam Tsev Hauj Lwm ntsig txog Cov Kev Pab Cuam Kev Noj Qab Haus Huv) (DHS).



Deciding Together (Kev Txiav Txim Siab Ua Ke): Cov txiaj ntsig ua tau los tuaj txog lawm!

(Deciding Together: The results are in!)

Deciding Together (Kev Txiav Txim Siab Ua Ke) yog ib txoj hauv kev ntawm pab pawg ua hauj lwm uas muab siv los txiav txim siab hais txog cov kev txhawb nqa thiab cov kev pab cuam rau koj tus me nyuam thiab tsev neeg. Hauv txoj hauv kev no, koj yog tus tswv cuab tseem ceeb hauv pab pawg thiab tus kws tshaj lij hauv koj tsev neeg lub hom phiaj, lub zog loj, thiab kev xav tau.


Tsis ntev los no peb tau nug koj seb txhua yam puas mus zoo li peb txoj hauv kev ntawm Deciding Together (Kev Txiav Txim Siab Ua Ke) li cas lawm, qhov uas koj thiab koj support and service coordinator (tus kws lis hauj lwm txhawb nqa thiab pab cuam) (SSC) ua hauj lwm los ua ib pab pawg ua hauj lwm los npaj kev txhawb nqa rau koj tus me nyuam kom tau zoo tshaj plaws. Ntawm no yog yam uas koj tau qhia rau peb thiab yam uas peb tab tom ua los tsim txhua yam kom zoo dua qub tuaj ntxiv.

H

Cov ntaub ntawv muab sau rau hauv tsab ntawv xov xwm no yog tshaj tawm raws li Social Security Act (Txoj Cai Tswj Kev Ruaj Ntseg) § 1915(c) thiab 42 C.F.R. § 440.180.

Nej feem coob tau hais tias Deciding Together (Kev Txiaiv Txim Siab Ua Ke) yuav pab nej tsev neeg tsim thiab ua tau tiav nej lub hom phiaj!


1. Koj cov tswv yim puas muaj nyob hauv kev npaj muab kev pab cuam? Nej feem coob—82%—hnov tau hais tias nej cov tswv yim yeej muaj nyob hauv tas li, uas yog qhov zoo heev li! Qee leej tau hais tias nws tsuas yog "qee zaum xwb" (12%) los sis "tsis muaj kiag" (6%). Peb xav kom txhua leej hnov tau tias peb yeej tsis hnov qab txog lawv li kev tawm suab li.



Cov tsev neeg feem coob yeej hnov tias muaj neeg hnov txog lawv

- Looj tas li
- Looj qee zaum
- Tsis laib kiag li


2. Cov kev pab txhawb nqa thiab cov kev pab cuam puas ua tau raws li koj tsev neeg cov hom phiaj? Nej feem coob—78%—hais tias nej tuaj ntsib nrog SSC tuaj tham hais txog seb txhua yam yuav hloov pauv mus li cas thiab seb txhua yam puas yuav zoo tuaj. Qhov ntawd zoo heev li! 16% ntawm nej tau hais tias "qee zaum" nej mus ntsib nrog SSC mus tuaj tham hais txog txhua yam, thiab 6% tau hais tias nej tsis tuaj ntsib SSC uas yuav tuaj tham hais txog kev nce qib.



Feem coob koom nrog SSC tsis tu ncu

- Yog lawm, wb sib ntsib
- Qee zaum wb ntsib
- Tsis yog, wb tsis tau ntsib

3. Koj puas siv txoj hauv kev ntawm Deciding Together (Kev Txiaiv Txim Siab Ua Ke)? Tshaj ib nrab ntawm nej (52%) tau hais tias "siv," uas yog qhov xov xwm zoo heev li. Li cas los xij, 28% tsis paub tseeb seb lawv puas siv los tsis siv, thiab qee leej (11%) tau hais tias lawv tsis siv kiag li. Peb xav ua kom paub tseeb hais tias txhua leej paub tias Deciding Together (Kev Txiaiv Txim Siab Ua Ke) ua hauj lwm li cas vim tias nws yog txhua yam hais txog kev ua hauj lwm ua pab pawg.




Coob tshaj ib nrab ntawm cov tsev neeg yeej tuaj koom

- Yog
- Tsis paub zoo
- Tsis yog

Cov ntaub ntawv muab sau rau hauv tsab ntawv xov xwm no yog tshaj tawm raws li Social Security Act (Txoj Cai Tswj Kev Ruaj Ntseg) § 1915(c) thiab 42 C.F.R. § 440.180.

4. **Yuav ua li cas yog tias koj tsis pom zoo nrog kev txiav txim siab?**
 Coob tshaj ib nrab (57%) ntawm nej paub yuav ua dab tsi yog tias nej tsis pom zoo nrog qhov kev txiav txim siab. Peb kuj pom tias tej zaum qee zaum li 26% paub, thiab 17% tsis paub meej kiag li. Peb xav kom txhua leej paub txog yam yuav ua yog tias muaj kev tsis pom zoo.



Koj li lus pab tswv yim hauv kev nqis tes ua

Nej coob leej nyiam ua hauj lwm ua ke thiab tau qhia rau peb tias, "Peb tawm tswv yim ua ke, peb sib mloog, peb tawm tswv yim los tsim txoj phiaj xwm ua ke." Yog ib qho zoo heev uas tau hnov hais txog kev ua hauj lwm ua pab pawg uas yuav pab cov tsev neeg kom tau cov kev pab txhawb nqa thiab cov kev pab cuam. Peb kuj tau hnov los ntawm qee cov tsev neeg uas tau hais tias, "Kuv tsis tau hnov txog qhov no los dua li" los sis "peb tsis siv nws li" los sis "nws tsuas yog daim foos muab rau yus kos npe rau xwb."

Cov kauj ruam uas peb yuav ua

Ua tsaug uas siv lub sijhawm los teb daim ntawv soj ntsuam thiab faib qhia txog koj cov kev xav thiab cov kev paub dhau los. Peb yuav muab cov ntaub ntawv qhia paub no los pab tsim cov kauj ruam tom ntej thiab yuav faib qhia cov ntaub ntawv qhia paub nrog koj hauv cov tsab ntawv xov xwm yuav los txog tom ntej no.

Txhob ua siab deb kiag li uas yuav tham nrog SSC hais txog ib feem twg ntawm koj txoj phiaj xwm muab kev pab cuam los sis yog tias koj muaj lwm cov nqe lus nug. Peb xav kom koj hnov tias muaj kev ntseeg tus kheej thiab paub meej! ❖

Kawm paub txog support and service coordinators (cov kws lis hauj lwm txhawb nqa thiab pab cuam)

Support and service coordinators (Cov kws lis hauj lwm txhawb nqa thiab pab cuam) (SSC) yog muaj nyob ntawm no txhawm rau los pab! Cov kws ua hauj lwm tshaj lij no yog koj tsev neeg cov neeg tseem ceeb hauv kev sib cuag hauv Lub Khoos Kas CLTS. SSC ua hauj lwm nrog koj tsev neeg los pab txiav txim siab seb cov kev pab cuam thiab kev txhawb nqa twg yuav pab ua kom tau raws li lub hom phiaj tshwj xeeb rau koj tsev neeg thiab tus me nyuam. SSC yuav los ntsib nrog koj thiab koj tsev neeg kom paub txog koj tus me nyuam cov kev xav tau, qhov ua tau zoo, thiab lub hom phiaj. SSC kuj tseem yuav kawm paub txog kev cai dab qhuas, kev muaj txiaj ntsig ntawm koj tsev neeg, thiab yam uas tus me nyuam nyob hauv koj kev saib xyuas xav tau kom muaj yeej.

KOJ PUAS PAUB?

Cov tsev neeg thov kev txiav txim dua tau

Tib neeg yeej muaj cov kev xav sib txawv ntawm ib lub sijhawm rau ib lub. Yog tias koj tsis pom zoo rau qhov kev txiav txim siab txog kev txhawb nqa los sis kev pab cuam hauv lub khoos kas pab CLTS, koj muaj cai thov kom rov txiav txim dua qhov kev txiav txim siab txog kev txhawb nqa thiab kev pab cuam nrog Division of Hearings and Appeals (Lub Tuam Tsev Hauj Lwm Ntsig Txog Kev Hais Plaub thiab Kev Thov Rov Txiaiv Txim Dua). Koj yeej siv tau tsab ntawv thov tau lub rooj sib hais ntawm doa.wi.gov/RequestAHearing los sis kev sau ib daim ntawv.

Xa koj tsab ntawv los sis daim ntawv sau mus rau: DHA, P.O. Box 7875, Madison, WI 53707-7875. Yuav tsis saib txoj kev zwm ntawv thov kev txiav txim dua ua txoj kev tsis zoo. Nws tsuas yog ib txoj hauv kev los ua hauj lwm los ntawm qhov sib txawv.

Cov ntaub ntawv muab sau rau hauv tsab ntawv xov xwm no yog tshaj tawm raws li Social Security Act (Txoj Cai Tswj Kev Ruaj Ntseg) § 1915(c) thiab 42 C.F.R. § 440.180.

Koj yuav ua hauj lwm ua ke ua ib pawg los tsim ib txoj kev npaj rau koj tus me nyuam uas yuav tsom kwm mus rau kev ua kom tau raws li qhov xav tau uas koj thiab pab pawg tau txheeb xyuas. Koj yuav siv txoj hauv kev hu ua Deciding Together (Kev Txiaiv Txim Siab Ua Ke), uas suav nrog koj tsev neeg txoj kev xav thiab txoj hauv kev zoo tshaj plaws los txhawb tus me nyuam uas nyob hauv koj txoj kev saib xyuas thiab koj tsev neeg.

SSCs pab tsev neeg tau li cas?

SSCs:

- Pab kom koj tsev neeg paub txiaiv txim siab seb lub hom phiaj twg rau koj tus me nyuam thiab koj tsev neeg ua ke yog dab tsi.
- Ua hauj lwm nrog koj txhawm rau los pab txiaiv txim siab txog kev txhawb nqa thiab kev pab cuam uas yuav pab ua kom tau raws li koj tus me nyuam thiab tsev neeg lub hom phiaj.
- Nrhiav cov kws muab kev pab cuam kho mob txhawm rau los ua hauj lwm nrog koj tus me nyuam thiab tsev neeg.
- Xyuas kom paub tseeb tias cov kev pab cuam thiab kev txhawb nqa yog tab tom tau pab. Yog tias tsis zoo li ntawd, ces SSCs tuaj yeem pab koj hloov pauv tau yog tias tsim nyog.
- Txhawb nqa koj tsev neeg kom tus me nyuam muaj kev nyab xeeb thiab noj qab nyob zoo hauv koj lub tsev thiab hauv lub zej zog.
- Hla dhau kev hloov pauv thiab kev hloov pauv hauv lub neej hauv koj tus me nyuam thiab tsev neeg, xws li nrhiav hauj lwm los sis hloov tawm ntawm Lub Khoos Kas CLTS thaum tsim nyog.
- Coj koj mus rau cov peev txheej muab kev pab thiab cov khoos kas uas muaj los ntawm CLTS thiab lwm cov khoos kas thiab cov peev txheej muab kev pab hauv zej zog. ❖

Kev tau kev pab txhawb nqa thiab ntaub ntawv qhia paub ua koj hom lus

Yog tias Lus Askiv tsis yog koj thawj hom lus, tsis txhob txhawj! Lub Khoos Kas CLTS yuav ua kom paub tseeb tias koj tuaj yeem tau txais txhua yam uas kev pab txhawb nqa thiab ntaub ntawv qhia paub uas koj xav tau muaj ua koj hom lus. Ntawm no yog yam uas koj yuav tsum tau paub hais txog cov kev pab cuam no thiab lawv tuaj yeem pab tau koj li cas.

TXUAS MUS RAU COV CHAW MUAJ KEV PAB

Wisconsin Wayfinder pab txuas koj nrog cov kev pab

Feem ntau cov tsev neeg muaj cov lus nug ntau tom qab paub tias lawv tus me nyuam muaj ib los sis ntau qhov kev ncu, kev xiam oob qhab, kev xav tau kev kho mob tshwj xeeb, los sis kev mob puas siab puas ntsws. Wisconsin muaj tsib Lub Chaw Muab Kev Pab Cuam Rau Cov Me Nyuam Yaus uas mob siab rau hauv kev txhawb nqa cov tsev neeg no. Cov chaw pab tag nrho cov tsev neeg thiab cov neeg muab kev pab. Txhua lub chaw muaj cov ntaub ntawv qhia txog me nyuam yaus uas tau txais kev cob qhia txhawm rau los pab koj thiab koj tsev neeg:

- Txuas nrog cov chaw muab kev pab cuam hauv zej zog.
- Kawm hais txog thiab nrhiav cov kev txhawb nqa thiab cov kev pab cuam.
- Tau txais cov lus teb rau cov lus nug.

Koj tuaj yeem hu rau tus xov tooj hu dawb 877-WiscWay (877-947-2929) txhawm rau los tham nrog tus neeg nyob uas yuav txuas koj nrog koj cov me nyuam cov ntaub ntawv qhia.

Koj tuaj yeem nkag mus hauv oos lais ntawm dhs.wi.gov/wiscway kom paub ntau ntxiv.

Cov ntaub ntawv muab sau rau hauv tsab ntawv xov xwm no yog tshaj tawm raws li Social Security Act (Txoj Cai Tswj Kev Ruaj Ntseg) § 1915(c) thiab 42 C.F.R. § 440.180.

Muaj cov kev pab twg?

Lub Khoos Kas CLTS muaj ib txoj phiaj xwm los pab cov tsev neeg uas hais lwm hom lus sib txawv. Txoj phiaj xwm no suav muaj:

- Kev txheeb qhia cov tsev neeg uas xav tau kev pab nrog Lus Askiv.
- Muab cov kev pab cuam ntsig txog kev txhais ntawv thiab kev txhais lus yam tsis xam nqi dab tsi.
- Cob qhia cov neeg ua hauj lwm los sib txuas lus kom tau zoo ua lwm hom lus sib txawv.

Qhov no txhais hais tias tuaj yeem piav qhia tau txhua yam hais txog lub khoos kas raws li qhov uas koj nkag siab tau, kom koj thiaj li xaiv tau zoo tshaj plaws rau koj tsev neeg.

Vim li cas qhov no thiaj li tseem ceeb?

Koj muaj cai yuav nkag siab txog txhua yam hais txog cov kev pab cuam uas koj tus me nyuam tau txais. Kev tau txais kev txhawb nqa thiab ntaub ntawv qhia paub ua kom hom lus txhais tau tias koj tuaj yeem muaj feem cuam tshuam tag nrho thiab xyuas kom paub tseeb hais tias cov kev pab cuam haum rau koj tsev neeg.

Koj yuav tau txais cov kev pab cuam no li cas thiab yam uas koj tsim nyog ua mus tom ntej?

Tsuas yog qhia rau koj tus kws muab kev saib xyuas kho mob los sis koj tuam tsev hauj lwm saib xyuas cov kev pab cuam rau tib neeg hauv cheeb tsam nroog hauv zej zog uas koj xav tau kev pab hom lus. Lawv yeej npaj txhij yuav pab txhawb nqa koj.

Yog tias koj xav tau los sis tsim nyog tau kev pab ua koj hom lus, ces tham nrog koj tus kws muab kev pab cuam. Lawv yuav pab koj kom tau yam uas koj nyiam.

Nco ntsoov

Koj muaj cai kom tau kev pab ua koj hom lus. Qhov no pab koj nkag siab txog Lub Khoos Kas CLTS, yog li ntawd koj thiaj li saib xyuas koj tsev neeg tau zoo. Peb xav ua kom paub tseeb hais tias koj tau txais txhua yam kev pab uas koj xav tau. Tham nrog SSC yog tias koj muaj lus nug los sis xav tau kev pab.

Cov ntaub ntawv muab sau rau hauv tsab ntawv xov xwm no yog tshaj tawm raws li Social Security Act (Txoj Cai Tswj Kev Ruaj Ntseg) § 1915(c) thiab 42 C.F.R. § 440.180.

Tsev neeg qhov zoo: Cov kev ua tej yam uas ua rau yus nco qab ntsoov ntawm Drake

Peb muaj siab heev yuav faib qhia txog qhov kev ua tsaug uas tawm plaws sab hauv tuaj ntawm Drake tsev neeg. Lawv tau ntsib kev txhawb nqa, txij ntawm kev kho mob uas siv nees mus rau YMCA kev ua tswv cuab, thiab txawm tias yuav yog cov cuab yeej khoom siv sab nraum zoov. Qhov tseem ceeb uas hais tsis ntev los no yog kev siv Children’s Community Options Program (Lub Khoos Kas Cov Kev Xaiv Hauv Zej Zog Rau Me Nyuam Yaus) (CCOP) qhov kev pab nyiaj rau Milwaukee daim pib nkag rau Lub Tsev Khaws Puav Pheej Rau Pej Xeem, uas Drake qhov kev tso duab rau neeg saib uas nws nyiam yog cov kab npauj npaim!

Cov kev pab txhawb nqa thiab cov kev pab cuam no pab kom Drake siv tau nws lub rooj zaum muaj log tau ib leeg ntau tuaj thiab mus koom tau hauv lub neej hauv zej zog tau txhij txhua. Nws tsev neeg zaj keeb kwm tau hais meej txog kev cuam tshuam uas muaj txiaj ntsig zoo uas Lub Khoos Kas CLTS yuav muaj tau, muab tau ntau tshaj qhov kev txhawb nqa xwb—nws pab cuam txhawb nqa rau kev tsis cais leej twg thiab kev lom zem.

Ua tsaug rau Drake thiab nws tsev neeg rau qhov cia peb los ua ib feem ntawm lawv txoj kev taug. Yog tias koj muaj zaj keeb kwm yuav faib qhia, thov tiv tauj tuaj—peb xav hnob seb Lub Khoos Kas CLTS tsim tau qhov sib txawv li cas! ❖



Cov Tswv Yim Lom Zem Rau Tsev Neeg Yav Caij Ntuj No

Auv, caij ntuj so: Tsis kawm ntawv thiab cov hnub ntej heev. Nws yog ib lub sij hawm ntawm lub xyoo uas zoo heev yuav los nyob ua ke nrog tsev neeg thiab cov phooj ywg thiab muaj kev lom zem tau. Ntawm no yog qee cov dej num yuav sim tau nrog koj tsev neeg:

- **Muab koj qab vag tsib taug ua ib lub tiaj ua si nrog dej**—Leej hais tias koj yuav tsum tau mus cuag ib lub pas dej puab los sis ib lub tiaj ua si nrog dej thiaj li yuav tau kev laj thaum yav caij ntuj so? Koj siv tau txoj hlua dej, khoom tsuag dej, lub pas dej yas, cov phom txau dej, los sis cov thoob los sis fwj dej los ua koj lub tiaj ua si nrog dej. Sim ntxiv cov npuas tshuab kom muaj kev lom zem ntxiv!
- **Ua kom sw nrog kev siv ntiv tes zas kob rau sab nraum zoov**—Kev zos kob nrog ntiv tes yog ib txoj kev zoo heev rau me nyuam ua kom lawv cov caj npab, tes thiab ntiv tes muaj zog. Ua rau sab nraum zoo thiab tsis tau tu heev tom qab tus me nyuam zas tag ib co duab zoo coj los dai rau ntawm tub txias rau khoom noj. Los sis pab lawv mus nrhiav cov pob ze loj sib txawv thiab zoo sib txawv coj los zas. Lawv puav leej zas tau kob rau qhov chaw nres tsheb!
- **Npaj mus noj haus tawm rooj**—Nqa koj lub tsev neeg cov khoom txom ncauj thiab cov dej haus uas lawv nyiam tsha thiab mus rau lub tiaj ua si los sis lub pas dej ze tshaj plaws mus noj haus tawm rooj. Nco qab ntsoov yees cov duab kom nco txog lub sij hawm zoo uas koj tau muaj!
- **Nrhiav cov huab uas sawv zoo sib txawv**—Nrhiav ib qho nyom zoo pw thiab saib nrhiav cov huab. Qhia kom tus me nyuam siv nws lub tswv yim xav thaum mus nrhiav thiab kom piav qhia cov lawv pom (tej zaum li cov



Cov ntaub ntawv muab sau rau hauv tsab ntawv xov xwm no yog tshaj tawm raws li Social Security Act (Txoj Cai Tswj Kev Ruaj Ntseg) § 1915(c) thiab 42 C.F.R. § 440.180.

tsiaj, cov ntsej muag, cov tsheb, cov tsev loj—tsis muaj ib yam yuav tsis yog). Nws lom zem kos raws cov huab saum ntuj thiab!

Qee cov tsev neeg yuav pom tias cov hnuv tsis muaj dab tsi ua yav caij ntuj so yog ib yam txawv zoo hauv lub xyoo kawm ntawv. Lwm cov yuav pom tias pab tau zoo yog lawv teev muaj sij hawm ua ub no txhua hnuv rau tus me nyuam. Qhov no yuav pab kom lawv npaj tias yuav muaj dab tsi ua txhua hnuv. Koj yeej siv tau cov duab los sis cov lo lus los qhia txog yam yuav tau ua thiab yam koj npaj rau hnuv ntawd. Nram no yog qhov qauv teev muaj txhua hnuv; koj teev tau cov kev ua ub no uas haum rau koj lub tsev neeg. ❖

Sij Hawm Hnuv No

Sawv Ntxov	Tav Su	Hmo Ntuj
Noj tshais	Noj sus	Noj hmo
Hnav khaub ncaws	Pw so	Caij da dej
Txhuam hniav	Kos duab thiab ua tej khoom zoo nkauj	Txhuam hniav
Mus ua si nraum zoov	Ua si sab hauv tsev	Nyeem ntawv
Mus khw muas khoom noj khoom haus	Khaws cov khoom ua si cia	Caij pw

KOOM PEB COV TAU TXAIS NTAWV EMAIL

Rau npe kom tau tsab ntawv xov xwm no hauv tshuab hluav taws xob thiab lwm cov ntawv email txog Lub Khoos Kas CLTS.

1. Mus rau dhs.wi.gov/dms/ltc-email-signup.htm.
2. Swb nqis mus rau tshooj lus Children’s Long-Term Care (Kev Saib Xyuas Kho Mob Ncuas Sij Hawm Ntev Rau Me Nyuam Yaus) Cov Ncauj Lus Ntawm Daim Ntawv Teev Txog Kev Rau Npe Tswv Cuab.
3. Xaiv CLTS Cov Ntaub Ntawv Qhia Paub rau Cov Tsev Neeg thiab Cov Neeg Tuaj Koom Nrog.

Tsis txhob hnov qab qhia rau koj tsev neeg thiab cov phooj ywg hauv lub khoos kas kom sau npe nkag nrog thiab!

Cov ntawv xov xwm All in for Kids (Tag Nrho Rau Me Nyuam): Lub Khoos Kas CLTS: dhs.wi.gov/library/collection/AKids24.

Cov ntaub ntawv muab sau rau hauv tsab ntawv xov xwm no yog tshaj tawm raws li Social Security Act (Txoj Cai Tswj Kev Ruaj Ntseg) § 1915(c) thiab 42 C.F.R. § 440.180.

Peb xav tau koj tsev neeg cov zaj keeb kwm thiab cov duab!

All in for Kids (Tag Nrho Rau Me Nyuam) tsab ntawv xov xwm yog rau tsev neeg. Peb xav nthuav qhia txog koj cov duab thiab cov kev ntsib nrog dhau los rau lwm tus neeg tau nyeem kom muaj kev lom zem nrog! Koj tuaj yeem faib lwm yam xws li:

- Muaj kev cuam tshuam zoo nrog Lub Khoos Kas CLTS.
- Ib qho piv txwv ntawm Lub Khoos Kas CLTS tau pab koj tsev neeg los sis tus me nyuam li cas.
- Ib daim duab los sis ib zaj dab neeg txog ib qho kev uas koj tau ua nrog koj tus me nyuam.
- Ib daim duab ntawm ib yam zoo nkauj los sis lwm yam uas koj tus me nyuam tau ua.

Xa koj zaj dab neeg ntawm koj lub tsev neeg los sis daim duab hauv email mus rau dhsclts@wisconsin.gov nrog "All in For Kids (Tag Nrho Rau Me Nyuam)" rau ntawm kab teev lus qhia. Koj kuj tseem tuaj yeem xa cov tswv yim rau cov zaj dab neeg uas koj xav nyeem hauv tsab ntawv xov xwm. Peb npaj siab xav hnov ntawm koj! ❖

Cov kev pab muaj txiaj ntsig zoo rau cov tsev neeg

Cov Zuam hauv Wisconsin

Cov zuam muaj nyob rau ntau thaj chaw thoob plaws Wisconsin hauv lub caij nplooj ntoos hlaw, lub caij ntuj sov, thiab lub caij nplooj zeeg thaum ntxov. Lawv tuaj yeem kis kab mob mus rau tib neeg thiab cov tsiaj los ntawm kev tom. Nco ntsoov tias thaum cov neeg hauv tsev neeg, suav nrog cov tsiaj tu, siv sij hawm sab nraum zoov:

- Ua kev tshawb xyuas cov zuam hauv txhua hnuv.
- Da dej los sis ntxuav tsis pub dhau ob teev sij hawm tom qab tawm mus sab nraum zoov los.
- Siv tshuaj tua kab.
- Hnav lub tsho tes ntev thiab ris ntev.

Lwm cov lus qhia kev tiv thaiv cov zuam tom tuaj yeem nrhiav tau ntawm dhs.wi.gov/tick/bite-prevention.htm. ❖

Cov ntaub ntawv muab sau rau hauv tsab ntawv xov xwm no yog tshaj tawm raws li Social Security Act (Txoj Cai Tswj Kev Ruaj Ntseg) § 1915(c) thiab 42 C.F.R. § 440.180.



All in for Kids (Tag Nrho Rau Me Nyuam): Lub Khoos Kas CLTS yog ib tsab ntawv xov xwm uas tau tshaj tawm los ntawm Wisconsin Department of Health Services (Lub Tuam Tsev Hauj Lwm Ntsig Txog Cov Kev Pab Cuam Kev Noj Qab Haus Huv) rau cov me nyuam yaus thiab tsev neeg hauv Lub Khoos Kas CLTS.

Lub Khoos Kas CLTS siv cov nyiaj ntawm Medicaid txhawb rau pab txhawb cov me nyuam yaus uas muaj kev tsis taus rau qee yam ntawm lub cev vim loj hlob qeeb, lub cev tsis taus, los sis puas hlwb uas nyob rau hauv tsev neeg los sis hauv lub zos. Tej zaum yuav siv nyiaj pab txhawb rau ntau hom kev pab raws li kev ntsuas tus me nyuam thiab tsev neeg cov kev tu ncuva tshwj xeeb thiab cov hom phiaj los sis cov xav ua tau uas paub txog. Xav paub ntxiv, mus xyuas dhs.wi.gov/children/index.htm.

Para leer este boletín en español, visite dhs.wi.gov/library/collection/AKids24.

Xav nyeem tsab ntawv xov xwm no ua Lus Hmoob, mus xyuas dhs.wi.gov/library/collection/AKids24.

Rau lwm cov lus (繁體中文, 简体中文, Deutsch, العربية, русский, 한국어, Tiếng Việt, Deutsch, ພາສາລາວ, Français, Polski, हिंदी, Shqip, Tagalog, Soomaali): 608-266-8560.